



Matrícula ESO | Bacharelato

Optatividade 2021/2022

O IES Plurilingüe Pintor Colmeiro está a planificar o curso 2021/22, a pesar de que a situación de emerxencia sanitaria dificulta seriamente abordar esta tarefa coa marxe de confianza que nos gustaría.

Neste documento facemos un avance das opcións de matrícula que o centro conta ofrecer para o vindeiro curso para ESO e Bacharelato.

Silleda, xuño de 2021.





Previsións 2021/2022

1º e 2º de ESO

Nestes cursos hai escasa optatividade. Como novidade, no curso 2021/2022 incorpórase á oferta a materia de *Portugués* como segunda lingua estranxeira en 2º de ESO.

3º de ESO

Neste nivel, o alumnado deberá elixir a modalidade de Matemáticas que quere cursar (*Matemáticas orientadas ás ensinanzas académicas* ou *Matemáticas orientadas ás ensinanzas aplicadas*). Tamén ten que escoller unha materia específica de opción (*Cultura Clásica* ou *Segunda lingua estranxeira*).

4º de ESO

É un curso con moita optatividade. Os pais, as nais, os/as titores/as legais ou, de ser o caso, os alumnos e as alumnas poderán escoller cursar o cuarto curso da educación secundaria obrigatoria por unha das dúas seguintes opcións:

- a) Opción de ensinanzas académicas para a iniciación ao bacharelato.
- b) Opción de ensinanzas aplicadas para a iniciación á formación profesional.

Para estes efectos, non serán vinculantes as opcións cursadas en terceiro curso de educación secundaria obrigatoria.

O alumnado que escolla a opción de **ensinanzas académicas** estudará as *Matemáticas orientadas ás ensinanzas académicas*. Deberá cursar tamén dúas materias troncais, que elixirá entre estas catro: *Bioloxía e xeoloxía*, *Física e química*, *Economía* e *Latín*. Neste caso, ao igual que en todos os que implican una multiplicidade de opcións, o alumnado deberá numerar as materias segundo a súa preferencia. O centro intentará axustarse ás preferencias expresadas no impreso, sempre que iso sexa viable. É importante ter en conta que se precisa un mínimo de alumnado para formar grupos e que, en calquera caso, todas as decisións organizativas se deben adoptar en función dos recursos humanos e materiais cos que conte o centro.

O alumnado que escolla a opción de **ensinanzas aplicadas** cursará as *Matemáticas aplicadas* e dúas materias troncais; neste caso, deberá elixilas entre as seguintes: *Tecnoloxía*, *Iniciación á actividade emprendedora e empresarial*, e *Ciencias aplicadas á actividade profesional*.

Todo o alumnado de 4º da ESO completará o seu horario semanal con dúas materias denominadas específicas. Ao tratarse tamén dunha elección moi aberta, deberán numerarse



todas as materias por orde de preferencia. Como novidade, no curso 2021/2022 incorpórase á oferta a materia de *Portugués* como segunda lingua estranxeira.

1º de Bacharelato

Dispoñemos dun impreso de matrícula para cada unha das tres modalidades que ofrecemos: *Ciencias, Ciencias sociais e Humanidades*.

Unha vez decidida a modalidade, o alumnado terá que tomar as seguintes decisións:

-Materias troncais de opción: cursaranse dúas, pero hai que numeralas todas por orde de preferencia. Ao igual que no resto dos cursos, o centro intentará axustarse ás preferencias expresadas no impreso, sempre que iso sexa viable. É importante ter en conta que se precisa un mínimo de alumnado para formar grupos e que, en calquera caso, todas as decisións organizativas se deben adoptar en función dos recursos humanos e materiais cos que conte o centro.

-Materias específicas de opción e de libre configuración: neste caso hai que completar un total de 6 horas semanais, que poden distribuírse de varias maneiras. Os modelos de impreso contemplan todas esas posibilidades para que o alumnado poida expresar as súas preferencias. Evidentemente, o centro xestionará estas preferencias en función das súas posibilidades organizativas.

2º de Bacharelato

Os modelos de impreso seguen a liña dos do primeiro curso. Insistimos na importancia de que o alumnado siga as indicacións do documento á hora de numerar as preferencias, posto que, ao ser un curso con gran optatividade, só se poden impartir aquelas materias que contan cun mínimo de solicitudes.

Referencia legislativa: [DECRETO 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia.](#)